



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. VI. De Reo.

---

[urn:nbn:de:hbz:466:1-73001](#)

personalis, à termino principaliter intento per petitionem, qui est vel res nostra, vel debita, seu, ut diximus juridicè unitæ, vel non unita, sed unienda; sic ex diversis aliis capitibus denominatione deflumpta variae sunt actiones, ut actio civilis, criminalis; alia persecutoria rei, alia poenæ; alia stricti juris, vel bona fidei; persecutio simpli, dupli, &c. de quibus ex professo Legistæ.

## §. VI

## De Reo.

198. Cum Reus correlative dicatur ad Actorem, &c. 10. de Verb. significat. Reus nuncupetur à re, quæ in judicio ab Actore petitur; & quamvis conscius sceleris non sit, tamen Reus dicatur, quamdiu in judicium aliquid petitur: not etiam Reum, alium esse civilem, alium criminalem; alium necessarium, alium voluntarium. Quando enim quis in judicio convenitur civiliter (juxta dicta n. 4. & seq.) dicitur civilis; si criminaliter, juxta n. 5. & 7. criminalis; si invitus in judicio se sistere compellatur, dicitur *reus necessarius*; qui autem non invitus, vel ex necessitate præcepti Judicis, sed sponte, v. g. propter aliquod interesse, vel causa boni publici opponit se Actori in judicio (qualiter quandoque contingit, cum citantur illi, qui aliquid in tali negotio suâ interesse putant) dicuntur *Rei voluntarii*, modò alias habeant legitimam personam standi in judicio, de quo diximus à n. 19. his præmissis:

199. Questio. 1. est, an, & qualiter obligatus sit Reus respondere ad Judicis interrogationem? Ante resolut. notandum plurimas questiones in hac materia à nobis esse resolutas lib. 5. tit. 1. cùm à n. 97. ageremus de Inquisitionibus. Hinc ad questionem, an Reus teneatur se ipsum prodere, ad mandata publica, & edicta generalia, respondimus ibid. n. 103. negative, quod acceipe cum positis ibidem limitationibus. 2. ad questionem, an infamatus, & convictus de uno crimine inquire, ac interrogari possit super aliis occultis? ad quod ibid. n. 157. à nobis responsum est; 3. an talis interrogari super sociis occultis, non laborantibus ullâ infamia? sed ad hoc

respondimus ibid. à n. 162. 4. an Reus juridicè interrogatus teneatur aperire veritatem? ad hoc ibid. à n. 169. responsum est; ubi etiam exposuimus à n. 174. quid dicendum, cum interrogatur non juridicè? &c.

Pro ulteriori intelligentia not. 1. Reum posse à Judice interrogari juridicè, nimis servato juris ordine quoad essentialia; seu, quod idem est, pro illis circumstantiis, in quibus à lege jus habet interrogandi; & non juridicè, nimis servato, si secus; & Reum Judicii interroganti non juridicè, non teneri respondere, ex priori num. constat; quia eō ipso in talibus circumstantiis Judex caret potestate Reum obligandi ad respondendum. Questio autem est, an Reus, si sit negativè, vel positivè dubius, num Judex defacto habeat fundatum jus interrogandi, consequenter, an juridicè interrogatur, teneatur fateri crimen in suum praecordium? quādū ipsi nec judicialiter, nec extrajudicialiter constat de tali jure? Resp. negativè; nam stante tali dubio (cum bonâ fide possideat statum illæ dignitatis, seu bonum nomen, & bona tua) non tenetur se spoliare illis, dum jure compellatur ad ea dimittenda.

Dices: in tali casu stat præsumptio pro Judice, quod non procedat, nisi potestate in jure fundatâ; ergo pronuntiadum potius est pro eo, quod tunc parere teneatur Judicii, & respondere ad interrogata. Resp. ex hac ipsa præsumptione pro Judice ex una, & ex possessione bonæ fidei ex altera parte, quæ stat pro Reo, subnascens dubium speculativum, an parendum sit Judicii, elidi posse resolutione practicâ, fundatâ in possessione, quæ militar pro Reo, quod quādū de possessione bonæ fidei quis non dejicitur certo jure, illâ spoliandus notabit. Hinc complures docent, ut Reus possit juridicè interrogari (nimis cum obligatione respondendi, & fatendi veritatem) requiri, quod fundamentum interrogandi in ipso processu sit probatum, sic, ut hoc ipsum Reo constet; quarè non sufficiunt mera indicia non sufficienter probata, seclusa accusatione, vel denuntiatione publicâ per Officiales Authoritate publicâ constitutos, de quo pluribus egimus l. 5. tit. 1.

Not. 2. tametsi communiter tradatur, ut dicatur adesse sufficiens fundamentum iuris,

*Juridicē interrogandi, requiri, & suffi-*  
*re unum ex tribus seqq. 1. si præcessit in-*  
*famia, & hæc sit plenè probata, vel præ-*  
*cesserint indicia manifesta, vel semiplenā*  
*probatio: verius tamen esse, ad interro-*  
*gandum, & obligandum Reum ad fa-*  
*tendum, non sufficere infamiam etiam*  
*juridicē probatam, sicut nec nudam ac-*  
*cusationem, sed requiri semiplenā proba-*  
*tionem, quam tamen sola fama præce-*  
*dens non facit; sic Cardinalis de Lugo*  
*apud Haunold. de jure, & just. tom. 5. tr.*  
*2. n. 315. dixi ad interrogandum Reum;*  
*nam, ad interrogandum testem, sufficit*  
*infamia etiam non juridicē probata, sicut*  
*sufficit unius accusatio. Hinc aliud est,*  
*quod indicia etiam non probata, fundent*  
*jus interrogandi super indicis; aliud,*  
*quod dent jus interrogandi super delicto*  
*commissio; ad hoc enim requiritur illa es-*  
*se rite probata.*

203.

Quæstio est. 2. an quoties Reus à Judi-  
 ce interrogatur juridicē teneatur Reus fa-  
 teri veritatem subgravi obligatione con-  
 scientiæ? Complures absolute affirmant;  
 alii tamen limitant, ut non procedat, si  
 Reus ex sua fassione subeat sententiam  
 mortis, tritemium, jaæturæ omnium bo-  
 norum, &c. si negando speret evasurum  
 se illa mala; ratio istorum est, quia lex,  
 vel præceptum humatum tam graviter  
 obligans cum tanto periculo est extra po-  
 testatem Legislatoris, seu Judicis huma-  
 ni, nisi hoc exigat incolimitas reipubli-  
 cæ, proximè ceteroquin periclitantis; se-  
 cundus enim non foret accommodata huma-  
 na conditioni; & plura mala induceret  
 tam graviter obligando; quam prodesset,  
 ægrè inducendis hominibus, ut non ali-  
 undè convicti, confessione propriâ sibi  
 causent tam gravia mala; præfertim,  
 cum, ut rectè notat Haunold. cit. n. 318.  
 satius sit, non esse potestatem sic præci-  
 piendi; sicut nec est potestas præcipien-  
 di, graviterque obligandi, ad compaten-  
 dum in tali casu, vel ad non fugiendum  
 ex carcere, etiam crimine plenè probato,  
 aut ad dicendum testimonium contra  
 personas sanguine propinquas, vel cū gravi  
 suo damno proprio, quanto minus ad di-  
 cendum testimonij efficacissimum, & ple-  
 nam probationem faciens contra scipsum.

204.

Hinc quando dicitur: repugnat dari jus  
 interrogandi, sine correspondente obli-

gatione respondendi? Quid enim est jus  
 interrogandi aliud, quam jus exigendi  
 responsum? atqui omnium confessione  
 Judge habet jus interrogandi Reum: ergo  
 negari non potest, in Reo nasci obligatio-  
 nem respondendi cum veritate, alioquin  
 dabitur bellum ex utraque parte justum,  
 nam Reus habebit jus non respondendi.  
 Resp. duplíciter posse considerari jus Ju-  
 dicis, quod habet ad interrogandum; primò relate ad *interrogationem præci-  
 se, seu absolute*, nimurum quatenus ex-  
 plicat libertatem munitam favore legis;  
 quo ejus interrogatio redditur immunis à  
 peccato, seu culpa, atque adeo, quo, li-  
 cet interroget, inculpatè agit; 2. relate ad  
*interrogationem relativè ad responsionem*  
*debitam*, nimurum quatenus explicat li-  
 bertatem munitam favore legis, quo illi  
 constituitur potestas juridica etiam respe-  
 ctive ad interrogatum, videlicet interro-  
 gandi non tantum circa culpam, sed et  
 iam imponendi alteri vinculum consci-  
 entiæ ad dicendam veritatem; quibus po-  
 sitis:

Resp. prætermisis aliorum responsioni-  
 bus, quæ loco cit. videri possunt apud Hau-  
 noldum, dist. ma. repugnat dari jus in-  
 terrogandi, quod dicitur *respectivè ad in-*  
*terrogatum*, sine correspondente obligatio-  
 ne respondendi C. ma. jus solùm interro-  
 gandi *absolute*, N. ma. dist. min. atqui ex  
 omnium confessione Judge habet jus inter-  
 rogandi Reum *vel absolute, vel respectivè*,  
 C. tempèr *respectivè* N. min. & conseq. Nul-  
 la potestas juridica extendit se ad plus,  
 quam ipsi concessum sit pacto legitimo, vel  
 lege juris constitutiva; hæc enim est metri-  
 sura juris; atqui nulla datur lex humana,  
 quæ secluso periculo proximo incolumita-  
 tis in republica, ulli humano Judici faveat,  
 seu indulget per præceptum gravis con-  
 scientiæ ad rem præceptam in certo peri-  
 culo vitæ, ac tam gravium damnorum; er-  
 go. Et ideo fortè clarius responderi potest:  
 2. dist. ma. repugnat dari jus interrogandi  
 sine obligatione respondendi, quando tale  
 jus constituitur favore legis taliter gravan-  
 di alterum, C. quando tale jus constituitur  
 favore legis solùm liberantis interrogantem  
 à culpa, N. ma. esse autem in humano Ju-  
 dice tale in quovis casu, etiam cum pericu-  
 lo vitæ gravandi subditum non est in  
 confessio omnium; cum plures negant  
 esse

esse in potestate Judicis humani, posse p*rae*cipere sub gravi obligatione conscientia, ut quis cum certo periculo vita vel valde gravium damnorum contra se ipsum deponat, nisi aliud exigat incolumentis Reipublice, ceteroquin proxime pericitantis.

206. Præter hæc not. à Judice quandoque Reo p*raescribi* terminum, intra quem debet respondere ad interrogata; quandoque non; & durante termino moraliter perseverare interrogationem; non autem finito; quo posito: 3. quæstio est, an Reus, qui negavit delictum, quando fateri tenebatur, obligatus sit sponte fateri, saltem postea, dum adhuc manet sub custodia Judicis, esto non amplius interrogetur? triplex est sententia; nam aliqui affirmant indefinitè; alii hoc indefinitè dicendum esse negant; alidem dicunt limitatio ne, teneri nimirum saltem tunc, quando contra convictum lata est sententia, & Reus ducitur ad executionem.

Resp. distinguendum, an agatur de casu, ubi Reo datus est certus terminus, intra quem respondeat; an nullus; si primum? dicendum non teneri, sponte fateri, si non amplius interrogetur post elapsum terminum, licet adhuc maneat sub custodia Judicis. Nam si sponte teneretur fateri, vel esset ex eo, quod prius, ubi fateri tenebatur, male negaverit; vel quod detentus in custodia moraliter continuet interrogationem; vel, quod, si postquam semel male negavit, taciturnitas etiam in executione sententia causaret Judici, accusatori, vel testibus notam, quod iniquè processerint: at nihil horum evincit obligationem sponte fatendi; ergo.

Min. prob. & 1. non primum; quia licet male negando, cum fateri teneretur, læserit obedientiam, vi cuius parere debuisset; non læsit tamen justitiam strictè sumptam, quæ sola parit obligationem p*raestandi*, quod contra legem ejus p*raetermissum* est; nec enim alia virtutes vi sua habent, quod si læse sint, per omissionem actus debiti, vel positionem operis prohibiti, inducant obligationem ponendi deinde oppositum; non etiam secundum; quia gratis assumitur, quod detentio Rei apud Judicem, etiam elapo respondendi termino, sit moraliter interrogationis continuatio; cum terminus appositus, & finitus eam finiat:

non denique tertium; quia malis illis sufficienter cautum est per p*resumptionem* pro justitia processus, quādū non constat contrarium.

Dices: si sententia Judicis tam materialiter, quādū formaliter justa est, Reus non

poteſt ejus executioni licet resistere per resistantiam corporalem; consequenter habet obligationem taliter non resistendi; ergo etiam habet obligationem dicendi veritatem, pat. conseq. quia Judex habet ius exequendi sententiam, Reumq*ue* p*reclendi*: ergo Reus non habet ius resistendi & impediendi, & æquè parū, quādū aliud quicunque resistere posset. Sicut quādū Legislator habet ius ferendi legem, in justè illi à subdito resistetur, & impediatur. Et sicut hæc potestas obligandi est necessaria ad rectam gubernationem, ita & potestas obligandi ad nos resistendum: sed hoc idem est in altero casu; ergo. Resp. dato anteced. N. conseq. ad hujus prob. nego paritatem. Nam priuō ius, interrogandi alterum *cira peccatum*, stat sine jure alterum obligandi ad dicendam veritatem; non autem ius exequendi p*oenam* contra Reum propter delicta, de quibus est legitimè convictus, sine jure non resistendi; alias innocentia (nempe Judici, & Ministris justitiae) corporaliter resistendo irrogaret injuriam; deinde ius puniendo sine potestate, ne Reus corporaliter resistat executioni p*oenæ*, foret inutile; ius autem obligandi ad dicendam veritatem etiam cum vita periculo, esto negetur in tali casu humano Judici, non reddit inutile ius interrogandi; adhuc enim haberet hanc utilitatem, quia in casu, quo Reus fateretur, adesset confessio judicialis, quæ facit plenam probationem.

Dixi, dato anteced. quod Reus non possit corporaliter resistere executioni sententia tam materialiter, quādū formaliter justæ, ut rectè probat objectio in p*raeced.* numero; secus est 1. si esset injusta formaliter, nimirum lata non observato jure, ac his, quæ sunt de substantia talis judicii; sic enim Judex carceret jure, ac injustè talem hominem aggredieretur; potestas enim ejus legibus definita est; si autem potestas sententiam justam formaliter, sed materialiter injustam (ut si Reus in re sit innocens, per allegata, & probata repertus nocens) eti plures censeant, in tali casu Reum

Reum executioni non posse resistere sine *injuria*, etiam armis se defendendo; sunt tamen, qui sentiunt oppositum licet fieri; ita complures apud Covarruviam; & ex Theologis Bannez ac Cardin. de Lugo, quos citat & sequitur Haunoldus Tom. 5. de justitia termino 2. n. 329. ratio illorum est, quia furioso, vel ebrio (licet non peccet te agdrediendo cum certo periculo te perimendi) licet resistis etiam armis; quia licet non Theologicè, tamen physicè, est injustus aggressor; sed talis etiam est *Judex* in dicto casu volens exequi sententiam mortis; ergo. Unde quando dicitur *Judicem habere jus exequendi* sententiam juridicè latam, vetum est *de jure presumpto*, sed nixo falsa præsumptione; unde quamvis præsumptio illa excusat *Judicem à peccato*; non fundat tamen obligationem in *Reo*, qui certò scit se innocentem, ubi potest evadere obligationem conscientiæ, se subjiciendi pœnæ sine sui defensione.

## ARTICULUS VII.

### *De reliquis ad hunc titulum pertinen- tibus.*

209. Quæstio. 1. est, an si Clericus coram seculari Judice convictus, vel confessus sit de crimen, exinde puniri debeat ab Episcopo, seu Judice suo ordinario? Resp. negativè ex c. *Etsi Clerici*, 4. h. t. cuius ratio redditur in textu ibi: sicut enim sententia à non suo Judice lata non tenet, & ita facta confessio coram ipso. Secus est, si coram Episcopo de criminibus in jure confessi sunt legitimè probatione convicti, dummodo sint talia crimina, propter quæ suspendi debeant, vel deponi, non immertiō suspendendi sunt à suis ordinibus, vel ab altaris ministerio perpetuò removendi.

210. Quæstio est. 2. an Episcopus cum Clericis, qui adulteria, vel mitiora criminia commiserunt, dispensare possit in pœnis canonicis? Resp. postea post peractam pœnitentiam, pet. cit. c. *Etsi Clerici*, §. de adulteriis, ibi: de adulteriis verò, & aliis criminibus, quæ sunt minora, potest Episcopus cum Clericis post peractam pœnitentiam dispensare. Hinc cùm adulterium mereatur secundum canones privationem beneficiorum; imò etiam depositiōnem ab ordine clericali; & alia minora

Tom. II.

suspensionem, cum talibus post peractam pœnitentiam Episcopus dispensare poterit, si tales pœnæ non sint ipso jure inflictæ, seu ipso facto incurſæ; nam has inferior tollere, aut in iis dispensare non potest, juxta gloss. receptam in c. *cupientes*, 16. §. cæterum, V. *Suspensor*, quia inferior tollere non potest legem, aut sententiam Superioris, nisi ipsi commissum sit. Est itaque intelligendum de pœnis legalibus seu canonicis, quæ sunt sententiæ ferendæ, seu cùm Judici à lege mandatur, ut ob tale crimen pœnam inferat, v. g. depositionis, quod ex rationabili causa consideratis circumstantiis eam possit minuere.

Quæstio est. 3. an cum dictis Clericis post peractam pœnitentiam dispensare possit Episcopus in censuris, in irregularitate ex delicto, depositione perpetua, vel temporali? respondet Lagman in cit. c. *Etsi Clerici*, quod à censuris Papalibus latæ sententiæ Episcopi in utroque foro absolvete possint, eoipso quod non reserventur, arg. c. *nuper*, 29. & c. *cum illorum*, 32. de sent. excommun. sed in pœnis canonicis, quæ sunt latæ sententiæ papalis, Episcopi dispensare non possunt, nisi ipsis concedatur, in c. *cum literis*, n. 3. & c. 2. n. 5. de solutione. contra Innocent. ibid. Exdict. 211. collig. Episcopum cum Clerico, adultero, non modo dispensare posse post peractam pœnitentiam, ut beneficio noti privetur, aut non deponatur, sed etiam post latam à se sententiæ dispensativè restituere eum posse post vitæ emendationem; sic Abb. in cit. c. *Etsi Clerici*, n. 14. & Feling ibid. n. 2. dicentes, quod, tametsi Clericus obfurtum, vel adulterium depositus, infamiam incurrit, restitutus tamen per consequiam famæ restituatur, ut officio clericali fungi, & beneficium Ecclesiasticum consequi possit, idquæ sumitūt aperte ex Concilio Frid. sess. 25. de reformat. c. 14. ubi loquens de Clericis, qui erant cum mulieribus, de quibus possit haberis suspicio turpis consuetudinis, ita loquitur:

Si à Superioribus moniti, ab iis se non abstinuerint, tercia parte fructuum, obventionum, ac proventuum beneficiorum suorum, quorumcunque, & pensionum, ipso facto sint privati, quæ fabricæ Ecclesiæ aut alteri pio loco arbitrio Episcopi applicentur. Sunt verò in delicto eodem cum eadem, vel alia foemina, perseverantes,

I

ppel n. secun-